

UNIVERZITET U TUZLI
Broj: 01-43-JN-9/21 LOT 4
Tuzla, 17.06.2021. godine

Na osnovu člana 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-43-JN-8/21 LOT 4 od 08.06.2021. godine, po punomoći Rektora Univerziteta u Tuzli broj: 01-2593-1/20 od 11. 06. 2020. godine, Direktor za ekonomske poslove donio je

O D L U K U

O IZBORU NAJPOVOLJNIJEG PONUĐAČA

I

U okončanom otvorenom postupku javne nabavke računarske opreme za za Službu za ekonomske poslove i Ured za NIR - LOT 4 , izabran je ponuđač INGEL doo Tuzla sa ponuđenom cijenom u ukupnom iznosu od 32.700,00 KM bez uračunatog PDV-a, odnosno 38.259,00 KM sa uračunatim PDV-om, te se istom dodjeljuje ugovor o nabavci.

II

Ponuda ponuđača iz tačke I ove Odluke odabrana je iz razloga što u svemu zadovoljava uslove postavljene u Tenderskoj dokumentaciji.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH koji su precizno definisani u tenderskoj dokumentaciji.

O b r a z l o ž e n j e

Univerzitet u Tuzli pokrenuo je postupak javne nabavke računarske opreme za za Službu za ekonomske poslove i Ured za NIR - LOT 4 putem Otvorenog postupka javne nabavke broj: 795-1-1-41-3-45/21 od 12.05.2021. godine objavljenom na Portalu e-nabavke, sažetka obavještenja u Službenom Glasniku BiH broj: 29/21 od 14.05.2021.godine i WEB stranici Univerziteta.

U ostavljenom roku ponude je dostavilo 2 (dva) ponuđača: INTER-COM doo Zenica i INGEL doo Tuzla.

Analizom ponuda ponuđača konstatovano je slijedeće:

- Ponuđač INTER-COM doo Zenica je dostavio sve kvalifikacione dokaze zahtijevane tenderskom dokumentacijom ali ponuđena oprema pod rednim brojem 5. Obrazca za cijenu ponude (Monitor Tip 3) **ne ispunjava tražene** minimalne karakteristike iz razloga što ponuđeni monitor nema VGA priključak kao niti DisplayPort. Zatim nema mogućnost okretanja monitora (swivel). Navedene karakteristike su zahtijevane tenderskom dokumentacijom.

Nadalje, ponuđena oprema pod rednim brojem 6. Obrazca za cijenu ponude (Server) **ne ispunjava** tražene minimalne karakteristike iz razloga što ponuđeni model servera (a što se ujedno vidi i iz dostavljene ponude) se isporučuje sa samo jednom napojnom jedinicom. U minimalnim tehničkim karakteristikama je traženo da se server isporuči sa dvije napojne jedinice zbog potrebe redundantnog napajanja. Ponuđač u svojoj ponudi nije nigdje eksplicitno naveo da će uz ponuđeni server isporučiti i dodatnu napojnu jedinicu.

Zbog naprijed navedenog ponuda ponuđača INTER-COM doo Zenica se odbacuje kao neprihvatljiva.

- Ponuđač INGEL doo Tuzla je dostavio sve kvalifikacione dokaze zahtijevane tenderskom dokumentacijom i opremu u skladu sa traženim minimalnim karakteristikama navedenim u koloni 3. Obrazaca za cijenu ponude.

Obzirom da je pristigla jedna prihvatljiva ponuda E-aukcija nije zakazana.

Na osnovu kriterija nevedenog u tački 4.6 Tenderske dokumentacije sačinjena je rang lista kako slijedi:

INGEL doo Tuzla..... 32.700,00 KM, bez PDV-a.


Budući da ponuda ponuđača INGEL doo Tuzla u svemu zadovoljava zahtjeve Univerziteta predviđene Tenderskom dokumentacijom, Komisija je predložila da se istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1., 75 000 Tuzla.

Prilog: Zapisnik o pregledu i ocijeni ponuda broj:
01-42-JN-9/21 LOT 4 od 08.06.2021. godine

DOSTAVITI:
1x učesnicima
1x a/a



DIREKTOR
ZA EKONOMSKE POSLOVE

Matović
Iusein Matović, dipl.oec.